



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Trg pravde 10, 76100 Brčko distrikt Bosne i Hercegovine; tel: 049/217-955; faks: 049/235-070; e-pošta: pkbd@pkbd.ba

Broj: SuPK-01-1198/20
Brčko, 06.11.2020. godine

Pravosudna komisija Brčko distrikta BiH, na osnovu člana 56. Zakona o službenicima i namještenicima u pravosuđu Brčko distrikta BiH („Službeni glasnik Brčko distrikta BiH“, br. 48/18, 1/19 i 32/19) i člana 8. Pravilnika o zapošljavanju u pravosuđu Brčko distrikta BiH („Službeni glasnik Brčko distrikta BiH“, br. 1/19 i 6/20), a u vezi sa Odlukom broj: SuPK-01-1370/20 godine, na 219. redovnoj sjednici, održanoj dana 06.11.2020. godine, raspisuje

JAVNI POZIV
za prijem volontera u pravosudne institucije Brčko distrikta BiH

- 1. Osnovni sud Brčko distrikta BiH3 (tri) volontera**
- 2. Tužilaštvo Brčko distrikta BiH 1 (jedan) volonter**
- 3. Pravobranilaštvo Brčko distrikta BiH 1 (jedan) volonter**

Javni poziv se raspisuje za prijem 5 (pet) diplomiranih pravnika u svojstvu volontera u pravosudne institucije Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Za volontera mogu biti primljena samo lica koja ispunjavaju sljedeće **opšte uslove**:

1. Da je državljanin Bosne i Hercegovine,
2. Da je punoljetan,
3. Da je zdravstveno sposoban za vršenje poslova upražnjenog radnog mjesta,
4. Da se protiv njega ne vodi krivični postupak,
5. Da se na tu osobu ne odnosi član IX stav 1 Ustava BiH,
6. Da u posljednje tri godine počev od dana objavljivanja javnog konkursa ili internog oglasa za popunjavanje upražnjene pozicije, nije otpuštan iz državne službe u institucijama BiH, entiteta BiH ili distrikta, usljed pravosnažno izrečene disciplinske mjere,
7. Da ne postoje okolnosti koje bi dovele do sukoba interesa.

Kandidat pored opštih uslova mora ispunjavati **posebne uslove**:

- završen Pravni fakultet.

Opis poslova – volonter u Osnovnom sudu Brčko distrikta BiH:

- obavlja pripravničku praksu u sudu radi sticanja uslova za polaganje pravosudnog ispita, pod nadzorom predsjednika suda u skladu sa Programom o obavljanju pripravničkog staža u pravosuđu Brčko distrikta BiH,
- pripravnicima se postepeno doajdljuju razne vrste poslova kako bi stekli neophodno praktično iskustvo na svim poljima rada u sudovima kako na sudijskim tako i na administrativnim poslovima,
- vodi Dnevnik rada u koji svakodnevno unosi podatke o poslovima na kojima je radio,
- pod nadzorom sudije ili stručnog saradnika obavlja iste poslove kao i stručni saradnik,
- obavlja i druge poslove i zadatke po nalogu predsjednika suda

Opis poslova – volonter u Tužilaštvu Brčko distrikta BiH:

- pomaže tužiocu u predmetima i procedurama za koje je potrebno stručno pravno znanje;
- proučava pravna pitanja u vezi s radom Tužilaštva uopće i tužilaca u radu na konkretnim predmetima;
- vrši analizu i sređivanje odnosno sortiranje akata u spise;
- priprema i izrađuje nacрте tužilačkih odluka ili dopisa;
- po potrebi prisustvuje radnim sastancima i sjednicama Kolegija kako bi mogao dati svoje stručno mišljenje;
- vrši stručno-pravne poslove predviđene zakonom ili drugim propisom po nalogu postupajućeg tužioca u konkretnim predmetima; obavlja i druge slične pravne poslove po nalogu glavnog tužioca.

Opis poslova – volonter u Pravobranilaštvu Brčko distrikta BiH:

- obavlja poslove i zadatke po nalogu nosioca pravobranilačke funkcije i sekretara Pravobranilaštva, radi osposobljavanja za samostalan rad,
- pomaže nosiocu pravobranilačke funkcije u toku pravnih istraživanja i pripremi predmeta,
- izvršava i druge dužnosti vezane za pomoć nosiocu pravobranilačke funkcije u vršenju pravnih poslova u skladu sa opštim ili konkretnim uputama,
- izrađuje nacрте podnesaka (tužbe, odgovori na tužbe, prijedlozi za izvršenje, žalbe i dr.) u ustupljenim predmetima,
- vrši i druge slične poslove po nalogu nosioca pravobranilačke funkcije.

Formulari za prijavljivanje na javni poziv mogu se podići u prostorijama Pravosudne komisije Brčko distrikta BiH, Trg pravde broj 10 ili na internet stranici Pravosudne komisije (www.pkbd.ba).

Izbor volontera vrši se nakon usmenog intervjua kojeg s kandidatom za volontera obavlja rukovodilac pravosudne institucije za koju se provodi postupak prijema volontera.

Na usmeni intervju kandidati se pozivaju isključivo putem službene internetske stranice Pravosudne komisije (www.pkbd.ba).

U slučaju da je po javnom pozivu prijavljen veći broj kandidata od broja utvrđenog Odlukom, izvršit će se izbor najuspješnijeg kandidata.

Rangiranje uspješnosti kandidata vrši se nakon obavljenog intervjua, na osnovu kriterija za zapošljavanje službenika i namještenika u pravosuđu Brčko distrikta BiH.

Javni poziv za prijem volontera u pravosudne institucije Brčko distrikta BiH, će biti objavljen na službenoj internetskoj stranici Pravosudne komisije (www.pkbd.ba) i oglasnim tablama pravosudnih institucija.

Prijave na javni poziv podnose se od 12.11.2020. godine do 27.11.2020 godine.

Popunjene prijave mogu se dostaviti lično ili poštom na adresu:

PRAVOSUDNA KOMISIJA BRČKO DISTRIKTA BIH,

76100 BRČKO, Trg pravde broj 10.

Nepotpune prijave, kao i one predate nakon 15,30 časova, posljednjeg dana roka za prijavu, neće biti uzete u razmatranje.

**Predsjednik
Pravosudne komisije**

Safet Pizović